



Møteinnkalling

Utval: Fitjar sokneråd
Møtestad: Kyrkjestova
Dato: Torsdag 23.04.2025
Tid: Kl. 18.30 - 21.00
Ord for dagen: Tom Rydland

Forfall må meldast til kyrkjeverja: kyrkja@fitjar.kommune.no eller tlf. 913 47 802.

Wenche Andersen Helland vert kalla inn som fast møtande vara. Andre varamedlemer får kopi av innkallinga og vert kalla inn ved behov.

Innkallinga er sendt til:

Svein Lunde	Leiar
Anne Marie Røed	Nestleiar
Tom Rydland	Medlem
Anne Kristin Skår	Medlem
Håkon Rydland Sæbø	Medlem
Mette Elisabeth Lambach	Medlem
Lilli Anne Drønen Jæger	Medlem
Kari Raunholm	Medlem
Olav J. Oma	Sokneprest
Gisle Levåg	kommunal representant
Wenche Andersen Helland	1. vara
Kopi til varamedlemer	

Fitjar, 19.04.2025

Svein Lunde
soknerådsleiar

Harald Rydland
kyrkjeverje

Sakliste:

SAK	ARKIVKODE	TITTEL	KOMMUNAL REPR.
2025/26	012.1	Godkjenning av innkalling og sakliste	X
2025/27	012.1	Godkjenning av referat frå sist møte	X
2025/28		Soknepresten orienterer om arbeidet i kyrkja	X
2025/29		Nye prosjekt på Fitjar kyrkjegard	X
2025/30		Utleige av trusopplærar	X
2025/31		Samarbeid om familiemiddag på Fitjar bedehus	
2025/32		Ungdomsår i Sunnhordland prosti	
2025/33		Meldingar	X
2025/34		Open post	X

Vedlegg

1. Hovudplan for gravplassutbygging
2. Innspel frå Bakken Kystbarnehage
3. Investeringsbudsjett 2025 - 2028

Sak 2025/26 012.1 Godkjenning av innkalling og sakliste

Framlegg til vedtak:

Innkalling og saklister er godkjent.

Sak 2025/27 012.1 Referat frå sist møte

Evt. merknader til referatet kan fremjast i møtet.

Framlegg til vedtak:

Soknerådet stadfester referat frå møte den 20.03.2025.

Sak 2025/28 Soknepresten orienterer om arbeidet i kyrkjelyden

Soknepresten legg fram ei kort orientering om det som har hendt i kyrkjelyden, planar framover og andre aktuelle tema som er kommen til sidan sist møte.

Framlegg til vedtak:

Soknerådet tek orienteringa til vitande.

Sak 2025/29 Nye prosjekt på Fitjar kyrkjegard

På møte i februar 2024 slutta Fitjar sokneråd seg til ein hovudplan for gjennomføring av ulike prosjekt for utvikling av gravplassen. Dei tre tiltaka som planen tek for seg er:

1. Opparbeiding av nye kistegraver på felt F
2. Etablering av namna minnelund
3. Etablering av gravfelt for andre trussamfunn (muslimar)

Arbeidet med å etablere nye kistegraver på felt F er starta og skal etter planen vera ferdig i løpet av mai. Dei nye gravene skal vera klar til bruk i løpet av inneverande år.

Som ein liten organisasjon har me ikkje kapasitet til å køyra fleire prosjekt som treng tett oppfølging på same tid. Sidan me ser enden på noverande prosjekt, er tida inne for å planleggja gjennomføring av fleire. Dei to neste gravplassprosjekta på lista er ikkje så store i omfang. Difor vil det vera greitt å få gjennomført desse parallelt.

Soknerådet har tidlegare oppnemnt ei ressursgruppe som skal komma med innspel i saker som gjeld utvikling av gravplass og uteområdet. Dei som er medlemer i gruppa er:

- ✓ Harald Rydland, kyrkjevevje og leiar av gruppa
- ✓ Rasmus Fitjar, tidlegare gravplassarbeidar
- ✓ Kjetil Ragde, gravplassarbeidar
- ✓ Eilif Bjørge, arkitekt
- ✓ Tom Rydland, representant for soknerådet

For å få eit grunnlag som soknerådet kan gjera vedtak på, får gruppa i oppdrag å utarbeida framlegg til pratisk løysingar og kostnadsoverslag for minnelund og muslimsk gravfelt. Til arbeidet kan det leigast inn ekstern rådgjeving innafor ramma i investeringsbudsjettet.

Framlegg til vedtak

1. Soknerådet ber om at kyrkjeverja engasjerer ressursgruppa for gravplass og uteområde til å komma med framlegg til løysingar for etablering av minnelund og muslimsk gravfelt på Fitjar kyrkjegard.
2. Dersom det er ulike syn i gruppa om kvar dei ulike tiltaka skal etablerast, vil soknerådet ta stilling til dette, før det vert brukt ressursar på detaljert utgreiing av lokalitetane
3. Kyrkjeverja får fullmakt til å engasjera ekstern rådgjeving i arbeidet. Dette må finansierast innfor vedteke investeringsbudsjett.
4. Soknerådet ber om at tilrådingane frå gruppa vert lagt fram på første møte etter sommarferien, slik at prosjektet kan innarbeidast i investeringsbudsjettet for 2026.

Sak 2025/30 Utleige av trusopplærar

Bakken Kystbarnehage har sendt inn eit ynskje om å få leiga trusopplærar frå Fitjar sokn tilsvarande 10 % stilling. I vedlegget til saka kan de sjå kva barnehagen v/ leiaren skriv om dette. Tett og godt samarbeid mellom Fitjar sokn og Bakken Kystbarnehage er det alt i dag, og det er positivt om dette kan utviklast vidare.

Kyrkjelydspedagaogen i Fitjar har i dag 90 % fast stilling. Fram til årsskiftet er i tillegg 5 % vikariat for kontormedarbeidar lagt til stillinga. Arbeidsoppgåvene er knytt til Fitjar sokn sin plan for trusopplæring og konfirmantarbeidet.

Meir detaljar om saka vert å leggja fram i møtet.

Saka vert med dette lagt fram for drøfting og avgjerd i soknerådet.

Framlegg til vedtak:

1. Soknerådet viser til skriv frå Bakken Kystbarnehage. Rådet ynskjer å sjå nærare på om eit samarbeid med utleige av trusopplærar kan etablerast.
2. Før det eventuelt vert inngått avtale må det avklarast nærare om trusopplæringsplanen treng justerast, kapasitet i trusoppæringa og kyrkjelydspedagogen si rolle.
3. Saka vert lagt fram til ny behandling og evt. godkjenning av avtale når desse forholda er nærare utgreia.

Sak 2025/31 Samarbeid om familiemiddag på Fitjar bedehus

Bakken Kystbarnehage skriv til soknerådet at dei ynskjer å etablere eit tilbod om familiemiddag på Fitjar Bedehus. Sjå meir om kva dei skriv i vedlegget til saka. Tilbodet er planlagt å finna stad før barnekoret har øving på bedehuset om torsdagane. I starten er det ikkje meininga å ha middag kvar veke. Barnehagen vil stå ansvarleg for gjennomføring av tilbodet, men dei ynskjer at soknerådet kan hjelpa til med å skaffe nokre frivillige medarbeidarar til å vera med på den praktiske gjennomføringa.

Framlegg til vedtak:

1. Soknerådet vil gjerne vera med og bidra til at Bakken Kystbarnehage kan arrangere familiemiddag på Fitjar Bedehus. Soknerådet kan ta på seg å skaffe nokre frivillige personar til å vera med på den praktiske gjennomføringa av middagsserveringa.
2. Soknerådet peikar ut _____ til å vera rådet sin kontaktperson for denne saka. Vedkommande sitt ansvar vert å ha dialog med dei ansvarlege for tiltaket, og skaffe frivillige medarbeidarar etter behov.

Sak 2025/32 Ungdomsår i Sunnhordland prosti

Prosten og prostirådet ynskjer at 2025 og 2026 skal vera ungdomsår i prostiet. Det inneber at ungdomsarbeidet rundt i sokna får ekstra merksemd. Ved å ha dette temaet på dagsorden regionalt, kan sokneråda dela og henta gode idear hos kvarandre for å styrka denne delen av kyrkja sitt arbeid.

Sokeråda er no utforda av prosten til å senda inn eit oversyn av korleis ungdomsarbeidet vert drive i dag, og om det er planar for nye tiltak for å styrka ungdomsarbeidet.

I Fitjar er det mykje godt ungdomsarbeid som føregår - i soknet sin eigen regi, i regi av andre organisasjonar og i samarbeid mellom desse.

Det vert lagt opp til at soknerådet kan setja av god tid i møtet for å drøfta temaet.

Framlegg til vedtak:

Soknerådet gjev arbeidsutvalet fullmakt til å senda svar til prosten på grunnlag av det som kom fram i drøftingane.

Sak 2025/33 Meldingar

Under meldingar vil det verta orientert om desse sakene:

- a) Referat frå utvalsmøter (soknepresten)
- b) Status for gravplassprosjektet (kyrkjevevja)
- c) Samling for gudstenestemedarbeidarar (soknepresten)
- d) Gjevarteneste til trusopplæring, status (kyrkjevevja)
- e) Konfirmantfesten 7. mai, status (kyrkjevevja)
- f) Orientering om investeringsbudsjettet (kyrkjevevja)
- g) Kontorlokale og tenesteavtale med kommunen (kyrkjevevja)
- h) Dugnad med innvendig vårreingjering i kyrkja 28. april (kyrkjevevja)
- i) Justering av årsrekneskapet

Framlegg til vedtak:

Soknerådet tek meldingane til vitande.

Sak 2025/34 Open post

Framlegg til vedtak:

Det er ikkje framlegg til vedtak i saka